

Chusé Joven – Marboré

Una nota mas, plega a fin,
o silencio d' o piano dispierta
a mía soledat, a mía soledat.
Pantasma que i vien y en marcharán,
urnas d' un amor ixuplidau
que no i tornaré, que no i tornaré.

Ta cutio viviré,
luitando contra cierzo y tempestat.
Ta cutio moriré,
en os brazos d' a tuya freda voz.

Todas as nueitz torno ta Marboré,
sin saber o rostro que he de trobar,
si tu yes real.

En as suyas auguas contino amando-te,
fendo-me-ne ilusions.

Mas tardi torno a despertar,
a rutina diaria me diz que no podré ixuplidar,
no ixuplidar-te.

Amoron, cayen, morirán,
no queda que a remeranza,
pero nunca no plenará
o vuedo que bi ha en yo.

Yo soi aquí, amando-te,
pero he de despertar.
Trangos luengos,
aturaus en ista baruca d' un loco.

Todas as nueitz torno ta Marboré,
sin saber o rostro que he de trobar,
si tu yes real.
En as suyas auguas contino amando-te,
fendo-me-ne ilusions.

Talment marches con yo y ya no sienta a tuya voz
Talment a tuya fredor cheló o mío corazón
y ya no podrá tornar a amar!

Todas as nueitz torno ta Marboré,
sin saber o rostro que he de trobar,
si tu yes real.

En as suyas auguas contino amando-te,
fendo-me-ne ilusions.

Podré ascuitar a tuya voz?

Letra y musica: Chusé Joven



O Zager Chilo IV
Asociación Cultural Nogará – Religada

